



Republika e Kosovës
Republika Kosova – RepublicofKosovo

Komuna e Prishtinës
Opština Priština –Municipality of Prishtina



E K S T R A K T

i procesverbalit të mbledhjes së parë të Komitetit për Kulturë, Rini dhe Sport, mbajtur më 03.08.2022, duke filluar në orën 16:00.

Në mbledhje morën pjesë: Valbona Ajeti (AAK), kryesuese, Rita Zeqiri (VV), Gresa Lahu (PDK), Endrit Zabërgja (NISMA) dhe Adelina Mehiu, eksperte e jashtme.

Të pranishëm ishin edhe: Arta Balaj, drejtore në Drejtorinë e Kulturës, dhe Granit Rugova, drejtor në Drejtorinë e Sportit.

Mbledhjen e hapi dhe e kryesoi **Valbona Ajeti**, kryesuese e Komitetit për Kulturë, Rini dhe Sport.

Për mbledhje propozoi këtë

REND TË DITËS:

1. Miratimi i ekstraktit të procesverbalit të mbledhjes inauguruese të Komitetit për Kulturë, Rini dhe Sport;
2. Informatë nga Arta Balaj, drejtore në Drejtorinë e Kulturës;
3. Informatë nga Granit Rugova, drejtor në Drejtorinë e Sportit;
4. Të ndryshme.

Kryesuesja konstatoi se njëzëri u miratua rendi i ditës.

Pika e parë

Miratimi i ekstraktit të procesverbalit të mbledhjes inauguruse të Komitetit për Kulturë, Rini dhe Sport.

Kryesuesja konstatoi se njëzëri u miratua ekstrakti i procesverbalit të mbledhjes inauguruse të Komitetit për Kulturë, Rini dhe Sport.

Faqe 1 nga 4

Pika e dytë

Informatë nga Arta Balaj, drejtore në Drejtorinë e Kulturës.

Arta Balaj, drejtore i përshëndeti të pranishmit dhe i njoftoi rreth punëve të kryera gjatë këtyre muajve nga Drejtoria e Kulturës, nga marrja e detyrës si drejtore. Ajo fillimisht ceku disa aktivitete të cilat janë organizuar dñe janë mbajtui gjatë kësaj kohe siç janë. 1 qershor, Dita ndëkombtare e fëmijëve, 11 qershor, Dita e çlirimit të Prishtinës, 21 qershor, Dita ndërkombtare e muzikës "Manifesta", koncerti i filharmonisë së Kosovës, koncerti i Ramë Lahajt dhe shumë organizime të ndryshme.

Sa i përket shpalljes së subvencioneve për kulturë, shpallja është bërë tani dhe për këtë është formuar një komision i përbërë për çdo kategori të përzgjedhur të fushës, ku një zyrtar është nga Drejtoria e Financave, një nga Drejtoria e Kulturës, një nga njësit bartëse ose bibliotekave, dhe një nga Teatri Dodona, kështu janë përfunduar dhe vlerësuar të gjitha raportet dhe i kemi shpallur fituesit.

Vlenë të theksojmë së kanë përfunduar edhe disa aktivitete të prokurimit, është inicuar dhe kryer ndarja e një shumë të mjeteve për renovimin e Amfiteatrit të qytetit aty afér Grand Hotelit dhe është nënshkruar kontrata dhe mbetet vetëm të fillojë puna.

Mandej janë disa projekte, si renovimi i qendrës kulturore në Llukar, konkursin e projektimit të "Kurrizit", furnizimi me libra që bëhet për gjdo vitë, përzgjedhja e kompanisë e cila do të kryej dekorimin e qytetit, renovimi i Sahat kullës etj.

Po ashtu jemi në përfundim të një marrëveshje me Swiss kontaktin, për pjesën e ueb-it In-Prishtina. Për shkak të përditsimit të dhënave dhe po mundohemi ta kthejmë në pronë të Drejtorisë së Kulturës, dhe aty t'i kryejm shpalljet për aktivitete të ndryshme kulturore.

Pjesë e kësaj marrëveshje është edhe Parku i aventuarve, ku tashmë është ndarë një pjesë e tokës te Parku i arnjëve, kemi filluar diskutimet me Ministrinë e Kulturës dhe IKMM-në, për vazhdimin e punëve në rrugën model, e cila ka mbetë në gjendje mjaftë të keqe.

Gjithashtu mendojë se kemi edhe shumë gjëra tjera si, mungesa e publikimeve informative të objekteve të trashëgëmisë kulturore, një kalendar i përbashkët më Ministrinë e Kulturës etj.

Rita Zeqiri, tha se ne duhet të kemi strategjinë tonë si Komunë, por normal të jetë e ndërlidhur dhe të kemi edhe përfaqsues nga komiteti, federatat dhe nga Ministria, por para së gjithash duhet të kemi përfaqësues të cilët e njojin gjendjen faktike në teren. Sa i përket ankesave në subvencione ajo tha se nuk duhet të merren gjithmonë si diçka negative, prandaj ne kemi nevojë t'i ndryshojmë edhe rregulloret, edhe t'i shohim prioritetet në subvencionim.

Me 440 mijë euro ne këto nivele nuk mundemi t'i mbulojmë, por mendoj se ndoshta më mirë është të ndihmohen klubet se sa federatat, sepse ato kanë një linjë buxhetore. Për kulturën në Prishtinë, besoj së shumë evenete sportive të cilat do të mundemi me i bërë do të ishte shumë e mirë që të kemi një ndërlidhje të përbashkët kulturore.

Arta Balaj, drejtore tha se për këtë vit e kemi pas një buxhet të propozuar dhe miratuar nga dikush tjetër, por besoj se nga tash duhet të përgatitemi për vitin e ardhshëm, të planifikojmë buxhetin.

Valbona Ajeti, kryesuese tha se ne si komitet do të ishte mirë që ta kemi një plan të punës, kështu edhe ne do të mundemi të përgatitemi dhe të ju ndihmojmë edhe më shumë rreth aktiviteteve të ndryshme nga drejtoria e juaj.

Arta Balaj, drejtore po ashtu informoi rreth renovimit që është bërë në shkollën "Elena Gjika".

Granit Rugova, drejtor përshëndeti të pranishmit duke i njoftuar me punët dhe aktivitetet që Drejtoria e Sportit ka kryer gjatë kësaj kohe siç jan: Laureatët e vitit 2021, 3x3 Fiba Challanger, kupa botërore në hendboll, 2 aktivitete të futbollit të vogël dhe shumë aktivitete të tjera të cilat janë përkrahur nga drejtoria.

Këndi i lojërave dhe fitneseve, është një projekt i cili veç se ka përfunduar, po ashtu i kemi përvuar 3 fusha sportive atë në Bardhosh, Llukar, Grashticë dhe ajo në Emshir dhe në Kodrën e Trimave janë në përfundim e sipër.

Jemi në përfundim e sipër në rregullimin e shtegut të vraptimit në Arbëri, po ashtu në renovimin e tribunave të stadiumit "2 korriku", një mini golf ku jemi në hulumtim të një lokacioni të mundshëm.

Fusha në Prugoc, është e përfunduar por problemi aty qëndron të lumi Llap, një fushë tjetër mbrapa Terranovës, këtu në qendër, por aty kemi probleme për shkak të mospranimit nga banorët dhe kështu jemi duke e rishikuar së ku mundë ta zhvendosim.

Salla multifunksionale do të jetë të kampusi në Bërnicë, e cila do t'i ketë 5000 ulëse. Faza e parë e subvencioneve në sport 90% të pagesave vetëm se janë kryer në fund të javës besojë e hapim thirrjen për ndarjen e bursave për "Shpresat" e sportit, ku do të ndahen 20 bursa me nga 1000 euro.

Tash pas bartjes së buxhetit, e kemi ndarë një parcelë dhe i kemi ndarë 300 mijë euro për stadiumin, për tri klube futbolli në Hajvali, për klubin futbollistik "Flamurtari", si dhe disa projekte të tjera si atë të fitnesit në Gërmë apo Dardani, riparimin e dy fushave në Kodrën e Trimave, hapjen e shtigjëve për ecje dhe bicikleta, renovimin e parketit të sallës së vogel në Pallatin e rinisë, etj.

Endrit Zabërgja, përshëndeti drejtorët dhe i falenderojë për informatat e dhëna, ai ngriti probleme dhe shqetësimë rreth projekteve që Komuna e Prishtinës, duhet të bëjë për të rinjët. Lidhur më këtë tha se dua të di së çfarë roli apo funksioni kryen Sektori për Rini në Komunën e Prishtinës.

Granit Rugova, drejtor tha se një zyrtar në Drejtorinë e Sportit është që merret me rininë, tash janë ndërmarrë disa hapa të tjerë në këtë drejtim dhe në krijimin e një plani strategjik për rininë.

Gresa Lahu, tha se ne të rinjët të cilët jemi edhe anëtarë të Kuvendit, në bashkëpunim edhe me drejtorët e drejtorive përkatëse mundë edhe të krijojmë një plan për të rinjët në Komunën tonë.

Endrit Zabërgja, tha se në kuadër të plan programit gjatë fushatës së kaluar ne e kemi pasur si pikë, ku qytetarët e Prishtinës përmes një platforme online të kishin mundësi të zgjidhnin vetë një aktivitet i cili mandej do të hynte në kalendarin e planifikimeve dhe unë jam i gatshëm të japë maksimumin rreth projekteve që kanë të bëjnë më rininë e qytetit tonë.

Adelina Mehiu, tha se për pjesën e ndërtimit të "Kurrizi", do të ishte mirë që të merret edhe mendimi i qytetarëve.

Arta Balaj, drejtore tha se do të shohim mundësin e inkudrimtit dhe mendimet e qytetarëve në atë projekt.

Valbona Ajeti, kryesuese tha se do të presim ndihmë nga ju, në mënyrë që të krijojmë edhe planin e punës si komitet dhe në mbledhjet e radhës të vazhdojmë në bazë të atij plani.

Mbledhja përfundoi në orën 17:30

Procesmbajtësi
Arton Brahimi

Kryesuesja e mbledhjes Komitetit
Valbona Ajeti



Faqe4nga4